

中华全国图书馆

文献缩微中心



山西省图书馆 摄制

1989

原件收藏

山西省图书馆

原件书号

172596-99

原件状况

原件完好

[乾隆]和順縣志八卷首一卷

(清)黃玉衡修 賈詡纂

清乾隆三十三年刻本

四冊

本部书共摄制 1 卷

卷一至卷八首一卷

版权所有 不准复印

本部书开始

本片卷含： 卷一至卷八首一卷

和順縣志



乾隆戊子重刊

和順縣志

學斯樓藏板

山西直隸遼州和順縣知縣
黃玉衡為奉

憲纂修邑志以昭大典事
乾隆三十三年七月二十日蒙

本州衛札開轉蒙

布政司富憲札頃奉

院憲蘇面諭以山陰平魯等縣所呈志書尚係明季時較輯其中記載語句甚多紕繆不經不倫大屬不合等因查志書一項原所以詳記該郡邑等城垣學校山川景物編

戶額征以及鄉賢名宦忠孝節義臚列類載以備考採自應隨時刊釐不仍不漏以昭詳慎何得仍沿前明勅說並不留心更正除嚴飭外誠恐各屬亦有似此者合亟札飭

為此札仰該州立即飛飭所屬查明該州縣等志書是否尚係前明時考訂其志內紀載有無不經不倫悖繆語句速卽詳查明確分別刪改較輯呈請察核仍飭將接到札

飭查明緣由先行稟奪毋違特札等因蒙此擬令轉札為此札仰該縣立即查明該縣志書是否尚係前明時考訂其志內紀載有無不經不倫悖繆語句速卽詳查明確分

別刪改校輯呈詳察核毋違
等因蒙此早職隨查早縣舊
志係康熙十四年鄧令纂修
多仍前明舊志其中雖無甚
紕繆但記載多訛於體裁殊
屬不合迄今將及百年其山

川景物編戶額征爲沿爲草
以及忠孝節義應宜臚列類
載誠恐日久湮沒相應設法
辦理隨據闔邑紳士畢景杜
士逾等具呈前來爲俯循輿
情重修邑乘以備國典事竊

惟萬年之法戒昭於汗青一
代之休明始自郡邑凡屬職
方圖籍總爲

盛世之山河誰言最爾微邑無
與王朝之文獻欲嗣往蹟端
望後賢和邑舊志梓於康熙

十四年迄今九十餘載其忠
孝節義風俗沿革未經修葺
湮沒不少今恭遇老父臺
學繼程朱才雄班馬王尺金
鑑是非留三代之公石室蘭
臺著述富千秋之業方將紀

言動於柱下何難勤纂集於
華封伏乞訂正舛訛搜羅遺
文况此舉所費無多辦理甚
易倘蒙准行政典增光輿情
允洽為此合詞具稟懇乞俯
准施行等情據此早職復查

邑志以備考採懲惡勸善關
係匪輕既經紳士等以百餘
年殘闕漫無稽考情願纂修
隨親詣明倫堂會同儒學及
諸紳士公議重修緣卑縣人
物稀少紀載無多約費不及

二百金閱月即可告成紳士
等已情願量力輸將倘有不
敷早職亦量捐薄俸共成盛
舉並不絲毫累民當卽酌立
章程延請平定州貢生賈詡
協同紳士畢景杜士逾趙暉

曹澈畢臻劉嗣榮藥培全杜
延興等設立志館詢訪叅訂
簡有紕繆之處卽行刪改遺
漏之處卽爲補添務期紀寔
傳信允洽輿情前經呈明辨
理今已採輯成帙爲此恭呈

繕本伏乞

憲臺裁度施行須至申者

省

乾隆三十三年九月二十日驗

修和順縣志序

邑今官稱親民撫循一
方則必周知一方之故
實於以生全安養起
表救敝方無忝厥職

顧前事之不忘後事
之師激文徵獻實考
鏡得失之林邑志之修
距可緩哉和順隸晉省
東都居太行之巔羣

山環峙二漳縈繞於
郭外亦一巖疆也乾
隆丙戌夏余承乏茲土
甫入境見夫居多穴
處地盡沙石且氣寒

而風勁種植之利遠
函隣封是固瘠土也
生計良艱矣又見其
民之務本力作衣不文
繡而食鮮粱肉也勤

儉質樸唐魏之遺俗
有存焉夫民勞則善
心生不競不絀因其
風會而調劑之良有
司之職也余力奉驚駘

心殺慘字竊欲鑒前
人成蹟以明乎利弊
與廢之由適披覽邑
乘則其書簡陋失次
且漫漶不可讀蓋和

順之志自康熙十四年
前令鄧君憲璋一加
脩輯迄今又九十餘年
矣其間風物衰遷政
事損益與夫人文

起暨里巷士女節五非
常之行所當採錄者
何限况我
國家久道化成法制大備
聲教所訖車書禮樂

之盛遠邁前古和雖
僻壤使不急為撰次
何以信今而傳後代子
歲

上官諭各屬重新志業迺

謀之學博晉陽茹公開
局纂脩延平定州明
經賢君摠其役率邑中
縉紳文學諸君子分
任校讐遠稽近訪蒼

萃成書雖駢載一仍舊
貫而少更其例首卷
列以圖考復釐為八
卷先地理次建置畧田
賦若祠祀及官師選舉

風俗藝文莫不分行而
別類網舉而目張舊志
之闕者補之訛者正之
編既竣朱於簿書之暇
細加繕閱慨然曰是志

也前以補九十餘年未
備之紀載後以俾守土
之君子一展卷而一邑
之事瞭如指掌覽其
疆域而封守宜固稽生

物產而生殖宜繁農服
田畝何以保聚之士游
庠序何以教誨之父母
斯民之心必有油然而動
者上以副

聖
天子加意元正治益求治
之意則苞志之有裨
於化理夫豈淺鮮哉
爰不揣固陋書以言
并諸簡首

晉

乾隆戊子歲冬月

賜進士出身文林郎知

和順縣事黃玉衡撰

并書

重脩和順縣志序

歲在乾隆柔北閏茂

之春余設絳梁餘適

使君楚南

黃公來泣茲土下車始

諄諄以脩志為念諸
務繁冗未遑也越二
年戊子秋政通人和
百事具舉因於謁見
之餘囑余纂輯其事

余以鄰治父母命

不獲辭爰不揣固陋
借邑中縉紳先生畢
君景趙君暉曹君澈
畢君臻杜君士逾劉

君嗣榮杜君延興藥
君培全等曰舊志而
編次焉昔康對山叙
武功志七篇首列地
理終及藝文其中建

置之沿革祠祀之典
要以及則壤成賦則
有田有里有戶差其
等惠我嘉師則某賢
某庶某能著其績而

且人材不擇地而生
天道每因時而示變
則慎選舉考休徵網
羅古蹟廣蒐異聞亦
考古鑒今之一大節

目也夫和邑舊有志
朔始於萬曆十一年
西夏李公繼元重輯
於順治十三年上谷
李公順昌三成於康

熙十四年鍾山鄧公
憲璋凡所志地理建
置祠祀田賦官師選
舉災祥藝文者亦綦
詳且盡矣余何人斯

敢贅其殿亦惟是繙
閱前帙博採輿情再
叅以百餘年來軼事
庶集腋以成裘纂組
而摘錦早作夜思與

諸先生共相恭訂期
不負我父母闡揚
百餘歲人物風土政
治盛衰得失之至意
云爾是為序

崑

乾隆三十三年歲次
戊子秋八月石艾歲
貢生賈訥譔

重修和順縣志

凡例

一舊志紀載紛出迭見今遵康對山先生編武功志體
彙為八則曰地理曰建置曰祠祀曰田賦曰官師曰
選舉曰風俗曰藝文每列一則復分別門類節目務
期包羅無遺渾括備舉

一他邑志首列天文殊乖體要按天文每一星野分屬
數十里卽如全晉上應參甯二星之間而豫省亦居
參商之次和邑特彈丸微區今照本州志第繪其圖

存舊式也

一該編紀始地理於以區疆域規形勢以及山川古蹟蓋經界既分凡邑中應建設者皆可次第理矣

一建置凡邑中城池學宮官署倉庫驛舍坊表諸務無不備載勿致漏遺

一舊志紀祠祀凡文廟祭器樂章俱不詳載武廟諸祠亦未考與制源流茲並書之復採部頒祭文詩歌有關共要者悉附錄焉

一國有賦稅曰地丁曰耗羨其四州縣而解司庫者曰

徵解其存於州縣以備需用者曰存留以定引直則有鹽課以供皇華則有站銀茲悉遵新制詳列無遺

一村疇他邑有數千家為一村數百家為一疇者今和邑疇居山隈以耕作山田為主或三五家作伍或二三十家比隣不編為籍是棄民也故悉志之

一舊志官師止表職官茲並附名宦事蹟以著賢勞

一馬公克禮為金大定時人舊志記為元金進士邑人嚴公坦名僅見藝文舊志人物內失紀教諭李公朝綱祀名宦舊志官師內失紀今俱考據改正一以存

實一以示不濫入才至意

一飾邦華而叙人物若明一統志誇多泛濫識者譏之
今按邑志詳列科第舉貢名實相符並無濫美

一閩幃關乎陰教凡孝婦節婦胥屬

國家褒崇之人舊志所載詳錄無遺但百餘年來孝養
雅誼孤苦至情曷可勝數茲博採輿情俱收入志內
務期不濫不遺

一藝文有志班氏做劉歆七畧為之近日州縣多泛設
詩文殊失古體斯編紀述詩文或名家著述或金石

文子凡無關邑中體要者概置弗錄

重修和順縣志

姓氏

總裁

和順縣知縣

黃玉衡號南亭湖南善化人乾隆己未進士

纂修

歲貢生候選儒學訓導賈訥字吉人平定州人

較正

和順縣儒學訓導

荆孔正字方山人陽曲縣人歲貢

司局

和順縣八載署建檢司 楊德興

和順縣典史 劉世琛 江西新建人

考訂

歲貢生候選儒學訓導 畢 景字介福

生員 曹 澈字清軒

歲貢生候選儒學訓導 杜士逾字軼凡

歲貢生候選儒學訓導 劉嗣榮字向峯

採訪

生員 張世述

生員 焦天佑

生員 曹沂

生員 李廣枝

生員 畢 臻字永之

生員 杜延興字起

校梓

監生 趙 暉字緝菴

監生 藥培全字美之

輯次繕寫

生員

曹多壽字又祝

生員

胡天錫字純嘏

生員

畢體乾字健軒

生員

杜士錦字漢章

生員

吳端字子方

生員

鄭泰華字東瞻

同輯

貢生

宋志字敏之

貢生

陳崇德

貢生

樊好忠

監生

杜宏箬

監生

杜宏藻

監生

吳鳳鳴

監生

趙純仁

監生

劉健

監生

杜士凝

監生

程龍德

監生

程翰章

監生

張淑祖

監生

張世豐

監生

張朝選

監生

郝鳳齋

生員

杜桐林

生員

王成周

生員

杜士選

生員

趙恒

生員

劉秦

生員

王儒彥

生員

李峴

生員

任廷玉

生員

鄭立德

生員

宋矩

生員

程在蒲

生員

程受德

候選衛千總

杜若槃

原任巡檢

王琮

督工

禮房經承

杜士价

工房經承

杜漸遠

協辦

倉房經承

趙殿元

鹽房典史

吳廷獻

刑房典史

焦天培

庫房典史

楊國秀

重修和順縣志

目錄

首卷

圖考

卷之一地理志

沿革

疆域

山川兵防附

古蹟

卷之二 建置志

城池

學宮

官署

倉廩

養濟院

漏澤園

教場

市集

卷之三 祠祀志

壙墓

水利

橋梁

坊表

鋪迤

文廟

名宦

鄉賢

武廟

壇壝

祠宇

寺觀

卷之四 田賦志

地畝

屯田 學田

編戶

起運

存留

鹽政

驛站

里甲

村疇

物產

卷之五 官師志

縣令

訓導

典史

巡檢

把總

卷之六 選舉志

進士

舉人

選貢

恩貢

歲貢

例貢

例監

吏員

武畧

封蔭

人物

孝義

節烈

流寓

仙釋

卷之七 風俗志

節序

祥異

卷之八 藝文志

賦文

詩章

重修和順縣志

圖考

卽景繪圖若吳道子之嘉陵山水宗少文之瀟湘入
景王摩詰之輞川若圖米老顛之南宮墨蹟尤膾炙
藝林今於邑志而以繪事先之者非徒揮翰墨譚瀟
梁也亦欲令閱者展卷間而一邑之星躔疆索厩舍
城池與夫高深登覽之所已不啻列眉睫指掌中耳
志圖考

重修和順縣志 卷之一

地理志

周禮大司徒掌建邦土地之制辨山林川澤邱陵墳
墟原隰之名畫疆界而溝封之無非申畫郊圻慎固
封守之意也哉

國家版圖式廓規舊畫新條理井然和邑踞太行之巔
西臨古魏東距直邢南抵遼郡北接涪水為險阻非
為康莊為邊陲非為腹地豈非晉東南一屏障哉志
地理



原件短缺

十三至三十頁

重修和順縣志 卷之一

地理志

周禮大司徒掌建邦土地之制辨山林川澤邱陵墳
壙原隰之名畫疆界而溝封之無非中畫郊圻慎固
封守之意也哉

國家版圖式廓規舊畫新條理井然和邑踞太行之巔
西臨古魏東距直邢南抵遼郡北接汶水為險阻非
為康莊為邊陲非為腹地豈非晉東南一屏障哉志
地理

沿革

和邑古梁餘子園左傳書晉獻公使太子申生伐東山華落氏梁餘子養御是也

漢爲上黨郡沾縣地

晉屬樂平郡後趙石勒起自武鄉上黨卽其地北齊爲梁餘縣

隋始改曰和順因境內有古和城故名屬并州

唐初改曰義興仍屬并州尋屬遼州

宋熙寧中有八遼山縣平定軍元祐初復屬遼州金

元明仍舊

國朝因之

疆域

東西廣二百一十里

南北袤七十五里

東至邢臺縣桃樹平村九十里

東南距遼州駱駝村七十里

南距遼州寒王鎮四十里

西南距遼州蒿溝村九十五里

西南距榆社縣城村一百四十里

西南距太谷縣溫家庄一百四十里

西距榆次縣白坡頭村一百三十里

西北距樂平縣北馬坊九十二里

北距松子嶺四十里距樂平縣冶頭村五十里

東北距樂平縣東園村六十里

東至邢臺縣二百四十里

南至遼州九十里

西南至榆社縣一百八十里

西至榆次縣二百一十里

西北至太原府二百七十里

東北至

神京一千里

山川 附兵防

黃榆嶺在縣東七十里為山西直省交界東藩第一

要處舊制巡檢司久裁 國朝設營房一所墩臺

二座烟墩五座移駐石駝坪村防守

轆轤嶺在縣東七十里 國朝設營房一所墩臺一

座烟墩五座移駐煖窟溝防守

桃樹坪嶺在縣東七十里 國朝設營房一所墩臺

一座烟墩五座移駐青象寨防守

風門嶺在縣東六十五里 國朝設營房一所墩臺

一座烟墩五座移駐后當城口防守

馬嶺在縣東北九十五里地屬樂平為縣要害 國

朝建營房一所墩臺一座烟墩五座移駐青城村

防守

支鍋石嶺在縣東七十里溝深路狹最險

夫子嶺在縣東八十里 國朝設營房一所墩臺一

座烟墩五座移駐銀子溝防守

九峯山在縣東二十里山極有九峯庵

玉女峯在縣東十二里

首陽山在縣東三十里其山產薇土人因建夷齊廟

獅子頭山在縣東六十五里

狀元峯在縣東六十八里

仙人洞在縣東二十五里風動有聲響曉故名

麻楷嶺在縣南十五里路通遼州 國朝設營房一

所墩臺一座烟墩五座駐喂馬村防守

爐烟嶺在縣南二十五里 國朝設營房一所墩臺

一座烟墩五座駐靈境村防守為縣南界

雲龍山在縣西三里山椒建龍神廟左建孫真人廟

邑侯程起鳳建翰俗亭邑侯鄭國選重建石橋二

座戲臺一座邑侯卬廷溶建觀音堂后土廟於南

山松林建凌雲軒我有齋清餘亭於西山建名吾

亭甘泉樓西溪坊於北山修欄繞砌為邑人遊賞

勝地

長縣嶺在縣西南五十里

狐冒嶺在縣西四十里

水泉嶺在縣西四十里

寒湖嶺在縣西四十八里

白關嶺在縣西六十里

油房嶺在縣西七十五里

羊海嶺在縣西一百里

歷熱嶺在縣西北一百一十里

八斌嶺在縣西一百二十里其嶺有二關西北曰黑

虎關路通太原西南曰青龍關路通汾平設巡檢
司一員領弓兵把守

三尖山在縣西北九十里三峯並峙故名

石猴嶺在縣西北四十五里

掌山在縣西八十里上有掌山神祠

勅賜額曰昭懿聖母鄒國公孟子七世孫女宋代勅賜明
洪武七年賜曰掌山之神出遼志

松子嶺在縣北四十里為和樂兩縣交界舊制巡檢

司久裁 國相設營房一所墩臺一座烟墩五座

駐嶺防守

漳水有二一出縣西一百里八賊嶺名小漳水流

榆社縣合黃花嶺水至武鄉縣西五里 湮水至

襄垣縣東北合濁漳一出樂平縣 山大湮 流

經縣東合梁餘水轉東南至交漳村合流東注

梁餘水源出縣西石猴嶺流經縣東合清漳

玉津泉在縣東北三里俗名水井溝冬不結冰夏不

滿溢有危寺曰玉津蒼邑人多遊觀清潔不濁故

名

水深水在縣東七十里源上有龍王廟涉河浴北流

經縣平縣東南八十里水深谷合沾水

海眼泉在縣東六十里有海眼寺其水澄清波濤洶

湧又名清河冬寒數里不凍西流至松煙鎮與漳

水合有喬白巖郭獻卿題詠紀藝文

石公泉在縣東六十里源出合山東南流合漳水

馬嶺洞在縣東六十里山似新月內一空洞洞內轉

南用梯上又有一洞可容十人有石佛天旱禱之

卽雨

萬泉水源出合山南流合漳水

溫泉在縣東南四十里松煙鎮冬寒無冰

黑壁洞在縣西南四十里北山甚深莫測洞口常閉

傳有一僧開之冷氣悉出

武鄉水出縣西南孫臏坡流經榆社武鄉縣界

天池泉在南安驛東山高峯上有池出泉冬夏不涸

飲馬池在縣西山陰水湛清澈相傳石勒常飲馬於

此

古蹟

黃榆古戍

黃榆嶺各巖險曲折瀑布千尋舊有兵戍守城垣故址尚存宋黃覺有空籠古戍之

風過石鼓石鼓嶺上有石如鼓風動有聲元

八賦晚霞賦晚霞之詠紀藝文

松子香風松子嶺名崎嶇蜿蜒山崗多松過風

合山奇泉合山山下有二泉一名娘子泉清流湍激遠近十數村汲飲一名郎君泉清不

鳳臺異形鳳臺山名其形如鳳展翅

九京新月九京山名一京九月原每月哉生魄光

於九原即此 文子與叔同觀 他處有九京新月之詠紀藝文禮弓記 異

西溪靈井西溪在雲龍山有甘泉舊名西溪山椒建

雨洗麻衣麻衣山名在縣北五里有古寺麻衣道人

漳水環帶漳水有二一自縣北東流一自縣西東

和色臨觀之美景列有十附載於左

戒石亭在縣署書宋

雷音臺在空龍山

太宗銘今廢

趙王臺

在縣西北里北伏虎相傳趙襄子避屠岸氏故址尚存

滹麻池

在縣北二十里石勒李陽嘗滹麻池及勒為復趙天王召李陽至引陽臂云孤國厭卿

老拳脚亦能孤毒手即此地也

樂毅村

在縣西六十里毅靈奇人被讒避居於此

和順古城

在縣西北與縣城相倚迤邐微存

平城廢縣

在縣西一百里儀成鎮隋置屬并州金廢為鎮今因之

義興古縣

在縣境唐初置尋廢

韓信舊寨

在縣境相傳淮陰侯下趙屯兵處或舊志今無考

簡子鹿苑

在縣西六里相傳趙簡子養鹿之苑

蓋聞仰高山者動吊古之思懷秋水者深伊人之慕大抵人因地古地以人傳此舊國十年荒城四望寒風積愁雲繁江文通所以學賦謝惠連所以歌雪也和邑僻處晉鄙雖非名邦大都然大行聳峙清漳交流亦足點輟一邑之景致他若關隘之奇險邱墟之高封詢諸野老猶有能言之者曰若為趙文子與叔向所觀處也若為後趙天王雄飲馬池也 為麻衣上人修道地也凡此類亦鏡古之資而憑吊之屬者也

和順縣志卷之一終

和順縣志舊序

邑侯鄧憲璋

周禮以太史掌邦國四方之志志固史體也但史舉其要非關政治之大者例不得書以示嚴斷也若夫沿革建置之名實山川物產之品類風俗之正淫土地之肥瘠與人文節存之芳徽巨細畢備得以寓經國愛民之意者惟志爲然蓋志者所以備史之不逮也和順爲春秋梁餘子食邑壘晉者東陸隸遼州北鄙隣

畿甸接豫域四嶺環峙羣山盤曲居太行之絕巔一泓

漳水滌泗郭外於形勝亦可觀矧茲山高道險溪澗
奔流水固不能載舟陸誠難以驅車商賈鮮至貿易
不興民間以耕鑿為業厥地石确厥疇欠處且春寒
如冬夏無酷暑方秋隕霜將冬霏雪其天時地利迥
異鄰村罕不衣敝衣而食糠食為山左偏僻瘠苦之
最久著於廣輿考篤無志也自古明神宗年間縣官
繼元李君始志之以年遠事湮應記載者多放失未
悉述

國朝鼎新以來順治十七年縣官李君順昌補輯之大

抵因陋就簡亦未稱爲全書況倉卒勒成字復漫漶
不可讀憲璋以戊申冬承乏是邑日擊諸務廢弛鞅
掌吏治雖欲纂修之遠巡謝未遑也情爲繕城垣拓
流離清迥絕編保甲立監法除驛害理

學宮種種大事次第舉行仰藉

諸憲臺大人正己率屬百度維新以致令行禁止樂絕

風清上體

聖天子加惠元元之意下裨諸縣令得盡心於牧民之事
正不啻以身牧之正不必以身牧之而百爾下吏靡

不凍道

功令卽如憲璋駕鈍無匹惟有益自砥礪以副

訪憲臺大人之心為心而牧養土之民也於是撫摩不
遺餘力流離集邇絕除保甲清城垣固興監利革驛
獎

學宮亦從茲而更新俾其農安於畝訟士業於詩書衣
能蔽體食可充腹而於

國賦亦無逋負矣以和順至敬至疲之邑尚有今昔之
異其如諸州縣之民富而且庶與諸州縣之長才敏

而政成者洵復見虞之治歟然憲璋之不致隕

獲免罪戾幸際其時之盛於所遇之隆也今

上令郡邑各修其志以脩綜叢蒙

憲檄下徵竊念志者記也記一邑之所當記者也如方
域形勝之不可無稽也則志輿圖建置深山邃谷之
必有所出也則志山川物產若夫地土之肥磽人丁
之增減糧徭從此而生也田賦戶口則志之好惡之
正濫祭祀之舉廢人情由此而見也風俗祀典則志
之若學校若職官若公署人才之所自興法度之所

自肅也則皆志之若夫觀若古蹟若君宦稽古之所
必錄去思之所不忘也亦皆志之至於人物之挺生
選舉之接踵係靈秀之所鍾而成也驛害不革監利
不興則官民之病相關切膚也隘口為封疆之重料
異為休咎之徵誠古今之所不可忽也再於為節為
孝為藝文啓後人則做傳誦之最大者何可不志乎
故并筆之於志矣憲璋愧無史才兼之寡識藉有老
成在座軼事可考不自覆其拙而修成之捐俸首倡
務期接古續今備存其實以俟後之君子使為政有

據是志之有補於治也亦大矣計今日之共事者學
訓王君協慶鄉紳胡君淑寅孝廉曹君文炳明經趙
君澗杜君啓元藥君廷祚諸生畢子昂齡杜子廷機
藥子啓元張子日騰李子開祥王子三錫相助為理
者也綱舉目張條分縷晰雖未合乎史體庶幾不遺
志記之意進之

當寧覽形勝而知險隘之責嚴飭也稽戶口而知生聚之
貴休息也祭土田而賦稅猶宜調劑觀風俗而民情
宜加教養憲璋故不憚拮据勤渠亦盡吾心之所當

為匪徒素餐者位職哉

皇朝億萬斯年久安長治正宜修廢舉墜以大一統之志
永傳之千禩也夫

康熙十四年乙卯春日

和順縣志舊序

胡淑寅 邑人

昔夫子思夏殷而望祀宋之微蓋以存文獻也故周
制職坊氏掌天下之圖外史掌邦國之志小史掌四
方之志漢唐宋以來志郡國志十道志九域則修志
之典綦重矣但志之在他邑有山川之壯觀物產之
靈異人才之蔚起土地之膏肥則凡為方物為風俗
為政治為文章事無巨細悉本治定功成之烈以為
慶揚太平之具吾邑處深山窮谷中石多土少貨植
不興人文孤陋更兼數十年兵燹之餘城郭傾圮在

符未靖百城善於遠邇學宮荒於茂草利弊不清百
務叢棘苟欲以補救之術被之篇章也亦甚難焉是
以修志之舉前後僅見於兩李公茲值
聖天子崇文重道正車書以昭一統之隆傳
諭天下重修志書是盛典也吾

邑侯鄧公躬逢其盛於是酌古準今救偏補闕訪輯老
成旁搜遺典事事仍遵舊制既不使文浮於質尤不
敢以疑傳信體裁合矩可謂詳而有要矣獨是公之
治吾邑也如菓飲水表見之業麟麟炳炳固所謂清

而才者如城垣備而疆域固矣保甲嚴而姦宄遁矣
流遺撫而哀鴻集矣學宮修而文教成矣鹽法疏驛
苦革利已興而害已除矣且其告災籲困之文起敝
扶衰之事當不啻陳詩貢俗繪圖獻狀之意焉公正
造福於吾邑者哉夫前事之不忘後事之師也烏得
不舉而並志之倘後之志是志者不負其撫綏之責
以至久道治成化行俗美方可為異日採風之助匪
獨為文獻之徵也余長安候補歸里公出其稿而示
之因為之序其大畧云

康熙十四年之甲春日

和順縣志舊序

曹文炳邑人

志也者記一方之事也志之意始於春秋春秋大尊君之義二百四十年之間屬時比事聖人隱寓其心焉故於魯國之史而脩志列辟之事詳且盡也於是於建國之大小則書之生齒之增耗則書之年歲之豐歉則書之祥禳之有無人文之感哀則書之非好繁也不如此則紀事編年聖人之心幾於晦且疎矣故朱子之綱目始於威烈所以繼聖心之窮也自此而降則即載家乘得官野史孰非體此意而為之乎

邈明之興居天下郡邑皆有志而一統志又集其成
亦曰善記其事年追我

皇清定鼎三十一年矣前此未有修志之舉其始之也自
癸丑之夏月始然而志亦不同矣他郡邑之志志繁
也志盛也和邑之志志簡也志苦也何言乎爾和之
置邑也是分參甯也接鄴邢天文地域猶舊也而其
餘有苦疲難堪者矣兵燹之後苦以蝸蟻蝸蟻之後
苦以霖雨霖雨之後苦以旱魃夫且協茲苦之差使
苦之以致阡陌榛莽在荒蕪矣人丁逃遁苦在戶

矣

國課員久苦在考成矣廬舍有傾頽之苦焉問生聚衣
食有維艱之苦焉問詩書此其時幾不成為縣治雖
欲志之安所從而為志之戊申歲

邑侯鄧公永令茲土心傷邑治之將墟也皇皇焉招徠
之而哀鴻漸集也皇皇焉課懇之而蒿萊成熟也又
皇皇焉修葺之而頽廢者完好也又皇皇焉訓誨之
而游惰者絃誦也去其所甚苦而予以所甚甘乃於
修志之役條之列之增之損之是能行之於先而言

之於後也。余固不爲著作之難，而爲起故扶衰而兼
表明之難也。言既既授，而參閱國傳，其有眷是
知其爲可信而可傳者，也是能做春秋之寓意而學
其明倫者也。借爲但言授之剗剗，夫亦日記一方之
苦，而有其成效者耳。是耶非耶？

康熙十三年五月吉立

